



Улорно эл, торымык да гимн берр!

ЯМДЕ ЛИЙ

1933 ий 1 февраль годсек лектеш.

0+

Шем теңыз серыште мурсем йонга



Фотом Интернет тгч налме.




ПОДПИСКЕ

«Ямде лий» газетлан чыла связь отделенийлаште кажне тылзын 15-ше кечыже марте подпискым ышташ лиеш.

Индекс – П4696.

Электрон подпискым ыштыза! 89024668399 телефон номерышке (Tele2) 150 тенгем пыштыза, yamde_lii@mail.ru адресыш лүмнердам возен колтыза.

Редакций гоч альтернативный подпискым ышташ темлена. Ак – 150 тенге.



Рекламе.

22 июньышто сводный йоча духовой оркестр шарнымаш акцияш ушнен. 375 икшывым иктеш ушышо оркестр «Священная война», «Прощание славянки» да моло произведенийлам «Артек-ареныште» шоктен.

20 июнь
гыч 10 июль

марте «Артек» тўням-

бал йоча рўдерыште Российысе йоча духовой оркестр-влакын «Серебряные трубы Черноморья» фестивалышт кумшо гана эртаралтеш. Тушко, конкурсым эртен, элнан эн сай йоча духовой коллектив-влак да барабанщик-влакын ансамбльышт погыненыт. Чылаже – 13 коллектив, 375 икшыве. Марий Эл Республикын чапшым Национальный президент сымектыш школ пеленысе Всемарийский йоча духовой оркестр арала **(снимкыште)**.

Вуйлатышыже – Александр Леонидович Майков.

Фестиваль жапыште йоча-влаклан тўрлў сынан занятий лиеш: репетиций, мастер-класс, плац-концертлан, марш-парадлан, гала-концертлан ямдылалтмаш да молат.

27 июньышто Ялта серыште оркестр-влакын марш-парадышт лийын. Курорт олан тўрлў площадкыштыже концертым ончыктеныт. Фестивальын тўн ужашыже – 30 июньышто эртыше гала-концерт. Тушто сводный оркестр Российын гимнжым да кумдан палыме йоча муро-влакым колышташ темлен. Тыгак кажне коллектив плац-дефилем ямдылен (музыкант-влак ошкылмышт годым мурсемым шоктат). Йоча концертым ныл тўжем утла ен ончен. Кумда элнан уста ўдыр-рвезыже-влак мурсем пайремым пўлекленыт.

Л.ГРИГОРЬЕВА.

Фотоувер



«Лүдыкшыдымө йоча пагыт» акций эртыме жапыште Марий Элысе ОНФ-ын активистше-влак да Йошкар-Оласе йоча-влакын «12» лидер-командышт рүдоласе Черняков уремысе 11-ше номеран пөрт ончылно улшо йоча площадкым олмыктеныт, чиялтеныт (**снимкыште**). Ты пашашке верысе кугыен, йоча-влак ушненыт. Каныме вер у тўсым налын.

О.КУЗЬМИНАН фотожо.

Историйым шергалына

7 июль Российыште Воинский чап кече семын палемдалтеш. Руш-турко сар годым (1768-1774 ийла) 1770 ий 5-7 июлышто руш эскадр Турцийын касвел серысе Чесменский бухтышто турко флотым кырен шалатен. Чесменский кредалмаште руш флотым граф Алексей Орлов вуйлатен.

Йүдвел сар годым (1700-1721 ийла) 1709 ийыште швед-влак Полтава олам йыр авырен налыныт. Ятыр гана олашке штурм дене керылтыныт, но руш салтак-влак да олase калык чот аралалтыныт. Полтаве деке руш армийын тўн вийже толын шумек, кугу кредалмаш лийын. Петр I вуйлатыме руш армий сенен. Тиде сенымаш лүмеш Российыште 10 июль Воинский чап кече семын палемдалтеш.

Тўрыс уверым <https://centerzamica.ru/events/vserossijskij-festival-rozhdestvenskaja-elka-kazachij-krug/> сайтыште ончыман.



«Казачий круг» ўжеш

Российысе военно-исторический общество, Российысе да йот элласе казак-воин-влакын ушемышт, Россий ДОСААФ, «Зарница» патриотический воспитаний да туризм рүдер «Кубанское землячество» мер организацийын да «Каникулы» педагогике рүдерын полшымышт дене «Рождественская ёлка «Казачий круг» фестиваль-конкурсум эртарат. Тўн шонымаш – Российыште да йот эллаште илыше калык-влакын илыш йўлаштан энтертен, самырык тукымым патриотизм шўлышеш воспитатлаш.

2020 ий 5 гыч 8 январь марте «Рождественская ёлка «Казачий круг» всероссийский фестиваль-конкурс Москваште коло кудымшо гана эртаралтеш. Усталык коллектив да солист-влак пайрем-танасымашке ушнен кертыт.

Шекланыза!

Марий Элысе Роспотребнадзор управленийын увертарымыж почеш, игече шокшемме деч вара Марий Элыште 860 еным пудий пурлын, ты ш е ч 182-шо – 14 ийым темыдыме йоча.



Чодырашке, олыкышко кайымыда годым кужу шокшан вургемым, йолашым чийыза. Мөнгө пөртылмекеыда, капкылдам уэш-пачаш тергыза.

Шочмо ял

Шўргыял покшелне кок куп уло. Валентин купшо пеш кумда, калык тушто колымат ятыр куча. Ялна йыр – кумда пасу. Понго погашлан чодырат уло. Ялнан кок уремжым яндар памаш ойыра. Памаш лач Пөтыр курык йымалне верланен. Мый шочмо Шўргыялем дене кугешнем. Поснак рушла йонгалтше лўмжын шочмо историйжын онгай улмыжым чылалан каласкалаш тыршем.

Геннадий СКВОРЦОВ. Морко район.



Марий Эл Республикысе 289 тунемше школым отличий дене тунем пытарең, тышеч 118 ўдыр-рвезе – Йошкар-Оласе школла гыч. Нунылан «За особые успехи в учении» медальым кучыктеныт. Тений 3114 йоча школ дене чеверласен.



Таче Э.Сапаев лўмеш опер да балет Марий кугыжаныш академический театр Килемар район Алёшкино ялысе «Раздолье» туркомплексыште «Акпатыр» оперым ончыкта. 7 июлышто Арде селаште «Кугезе мланде» фольклор да этнографий пайрем лиеш.



8 гыч 14 июль марте Морко районысо Унчо селаште Марий самырык тукым слёт эрта. Тудо Тўп калык-влакын йылмыштын тўнямбал идалькшылан да Театр идалькшан пөлеклалтеш. 9 июлышто тыштак «Колумб лудмаш» финн-угор сьлнымут фестиваль эртаралтеш.

Марий Эл Республикасые Роспотребнадзор управленийын иктешлымыж почеш, республикыште икымше сменяште тазалыкым пенгыдемдыше 181 лагерь пашам ыштен: ола воктенысе 10 лагерьыште 1345 йоча канен; 11927 ўдыр-рвезе кечывалым каныме 171 лагерьыште лийын; 2 санаторийыште 90 икшыве тазалыкшым пенгыдемден. Икымше сменяште 13362 йоча кенез пайдалын да веселан эртарен.



Веселан канена

Сылне кенез пагытыште кў мўнгыштў шинчен кертеш?! Канышым онгайын эртарыман. Теве Тыгыде Морко тўвара пўртын пашаенже-влакат, йоча-влакым иквереш поген, «Весёлый ветер» сводный отрядым чумыренит. 2 гыч 23 июнь марте 26 икшыве канен. Ўдыр-рвезе-влак тўрлў онгай модыш дене модыныт, пайдале пашашке ушненыт. Йоча-шамычлан «Сонгыра телефон», «Сонарзе ден лудо» модыш-влак келшеныт. Книгагудо вуйлатыше Л.А.Гаврилова «Сохраним нашу землю» модыш программым эртарен. Руш поэт А.С.Пушкинын шочмыжлан 220 ий темме лўмеш йоча-влак «Всё о Пушкине» квест-модышым шкеак ямдыленыт. 22 июньышто «Шарнымаш сорта» тўнямбал мемориал акцияш ушненыт. Сводный отряд шке пашажым модмаш, мурымо, куштымо мероприятий дене мучашлен.

Л.А.ГАВРИЛОВА,
книгагудо вуйлатыше.
Морко район.



Мыла шке жапыштыже лийман: паша годым паша, яра кечын – каныман.
Ш.Осып.

«Умка» келшен

17-23 июньышто Руэм посёлкысо шуко профилян лицей-интернатыште «Умка» профильный лагерь пашам ыштен. Тушко тўрлў район да Йошкар-Ола гыч ўдыр-рвезе-влак погыненыт. Нуно математике, руш йылме, химий, биологий да физике дене уш-акылыштым пойдареныт. Шуко ум пален налаш МарГУ-н да Юлтехын преподавательже-влак полшеныт. Кажне йочалан свидетельством да шарнымаш пўлекым кучыктеныт. Мыланем лагерь келшен.

Морко, Коркатово.

Настя ИВАНОВА.



Кенез канышын икымше тылзыже моткоч писын эртен кайыш. Уремыште шокшо, чевер кече шыратен онча. Ме, Юлия, Соня, Катя шўжарем-влак да мый, кенез каникулым кочакванан суртыштышт эртарена. Кушкыл-влаклан леве вўдым «йўктена», пакчасаскамат погена. Теве кияр йырангыште тынар киярым погенна. Телылан шапашлаш полшена.

Аня ЯМИДАНОВА.
Советский посёлко.





Еш – тиде тўжем дене шокшо шонымашым шочыктышо мут. Пиал да поро шўлышым пуртышо юзовий. Таклан огыл «Еш –

теш. Мотор портфельым шукертак ончен ямдылен. Маша изирак гынат, акаже пелен сумкам погаш ямде шога. Тудо Купсола школ пелен улшо йочасадыш кош-теш. Маша ден Даша изинек чолга кушкыт, икте-васылан полшен, кажне пайремлан шке кид дене ыштыме открытке дене ача-авам куандарат. Изирак улыт гынат, кидеш име ден шўртым кучен онченыт. Авашт гаяк кидпашалан мастар лийнешт.



Фото-Влак – еш архив гыч.

Йоча ешым пенгыдемда



айдемын поянлыкше» маныт, тудым арален моштыман.

Морко район Кугу Шале ялыште корно воктен верланыше кок пачашан чатката кў полат шинчалан вик перна. Тиде пўртыштў Ивановмыт еш ила. Самырык вате-марий айдемым шке велке кумылын савырен моштат. Поро, ласка чонан улыт. Светлана Анатольевна ден Сергей Витальевич кум йочам куштат, эше кум икшывым: Сергейым, Сашам, Димам – ашнаш налыныт. Эрге-влак икымше кече гычак Сергей ден Света деке шўманыныт. Кок кугурак эргышт, Сергей ден Саша, школым тунем лектыныт. Морко посёлкысо Аграрно-технологический техникумышто шинчымашым налыт, молышт Купсола школышто тунемыт. Саша нылымше классыш вончен, Дима – визымшыш. Нуно кенгеж жапым пеш вученыт. «Ынде шер теммешке модаш лиеш», – маныт.

Даша тений икымше классыш каяш ямдылал-



Снимкыште: Даша, Маша да Саша.

– Ешыште тўрлў йодышым кангашена, пашам пырля тўрлена. Тўшкан ыштыме пашан лектышыже эре куандара. Икшывына-влак тўрлў ийготан улыт, кажныже шке шонымашан. Нуным колыштын, ойым пуаш тыршена. Эргым-влакым изинек пашалан тунуктем, илышыште чын корным ойырымо нерген кутырем,

– оила суртоза.

Пачысе кечын кугу ешым ончаш куштылгыжак огыл гынат, самырык мужыр тўрлў йўным кычалеш. Пакча кугу, пакчасаскам лынг шындат.

Суртоза Сергей Витальевич Москошто пашам ышта. Тудын кидше шўртнў. Шке гыч ыштыме арвер-влак шинчалан вик пернат. Пўрткўргым кугурак эрге-влак дене пырля ачаленыт. Пелашыже Светлана Анатольевна – йоча пелен. Сурт сомылым тўрла. Светан кидеш кучымо имыже тўрлў вургемлан «чоным пурта».

– Яра жап уло гын, шып шинчен ом керт. Икшывем-влаклан мотор вуйупшым, кофтычкым, сарафаным пидам. Тыгак тўрлў узоран салфеткым, коврикым сўрастарем, – оила Светлана.

Самырык еш шукерте огыл у пўртыш илаш куснен. Йонгыдо пўртыштў шергылтше йоча йўк тек ача-авам эре куандара.

Е.ИВАНОВА мутланен.

Ача-ава-влак, шарныза!

Пырля иктаж-мом ыштыза: сўретлыза, модса да т.м.

Йочаланда пример лийза.

Йочадам енын икшывыж дене ида таңастаре.

Икшывыдан шонымашыжым пален шогыза.

Йочан куанжым пырля пайлыза.

Эрым шыргыжалын вашлийза.

Йоча нерген сайым веле шоныза.

Чўжыкыдын мокталтыза.




Шерге айдеме

Түняште ава – эн шерге ег. Йөсө годым тудо эре полша, ой-кагашым пуа, мыйым умыла. Аваемын лүмжө – Ирина. Тудо пеш поро, ныжыл, шыма, весела да мотор. Кызыт Таня шүжарем дене шинча. Яра жапше уке, эре пашам ышта. «Кузе пашат кая?» манын авай эре йодеш, мыйын верч тургыжлана. Авамым пеш йөрәтем да тудын дене шуқырак жапым эртарынем.

Аня ОРЛОВА.

Марий Турек, Сысоево.



Ковам Любовь

Леонидовна Пакалина Кожла-соласе «Теремок» йочасадыште воспитательлан пашам ышта. Ковамын группышто улшо йоча-влак фотосүрет конкурслаште сенгыше лийыт. Тидеч посна тудын вес йөрәтyme сомылжо уло: түрлө мотор фотом войзаш, онай клипым ышташ.

Мыланемат тунеммаште кугу полышым пуа, мом школышто умылен ом шукто гын, умылара. Коваемын пеш йөрәтем да пагалем.

Валерия ПАКАЛИНА.

Звенигово район.

Вуемым тылат савем

Ава чон – икшыве пелен, йочан ойгыжо – аван ойгыжо.

Ава... Авай... Ме южгунам тылат торжа шомакым ойлен колтена. Огына шоналте, кузе мемнан торжа шомакна тыйын яндар канде кава гай шокшо, волгыдо шүмышкет керылтеш. Кө вара, авай, тый дечет моло, мемнан ойгынам мучаш марте колышт, күлешан ой-кагашым пуэн кертеш? Изина годым кө пеленна йүдвошт шинчен, тамле омынам оролен?

Авай, тау тылат ош түням пөлеклыметлан. Мый тыланет мланде марте вуемым савем. Уло йүкын кычкырал-мем шуэш: «Ильза, ава-влак, шуко!»

Мария ГЕРАСИМОВА.

Шернур, Лажъял.

Эн лишыл – ава

Адак вашкем мый шочмо суртыш, Изи шүмем авам деке үжеш. Ондалам. Мый, шокшо помышетым шижын, Умыр мучко илынем.

Шемшоптыр гай шинчатше мыланем эн шерге, Йүкетше ныжыл, онгырла йонга. Авай, ок лүд нимо

деч пушкыдо кидетше, Чонетше поро, суксо гай сакла.

Эн сай да лишыл ег улат мылам, Эреак пеленемже

тыйым вел ужнем. Пайдале канашетым

ушыш налын,

Мый ылыш корно дене сайын ошкылнем.

Адак вашкем мый шочмо суртыш, Изи шүмем лач тый декет шупшеш.

Шүм-чон гыч лекше мут ден(е) тауштем Да тыйын ончылнет вуем савем!

Эльза АПТЫКАЕВА.

Пошкырт, Мишкан, Тынбай.



Йөрәтyme ешем

Мый кажне кечын мөнгыштө шольым ончем. Авамлан кумыж-совлам мушкаш полшем, пөрт кұварым ұштам. Эше ковайлан полшаш коштам. Тудын каза ден пачаже улыт. Мый нунылан вұта ұмбач шудым волтем.

Екатерина РАССАНОВА.

* * *



Мыят Катя семынак авамлан эре полшаш тыршем. Изам ден коктын ачалан пум нумалаш полшена. А ачана мыланна то шоколадым, то мўгиндым налын пуа.

Маша ДМИТРИЕВА.

Морко, Коркатово.

Шольо

Изиде, йөрәтyme.

Модеш, кычкырла, юарла.

Мыйын шольым уло.

Сёма.

Аня СЕМЁНОВА.

Морко, Эгерсола.

Таум ойлем

Ачам-авамым йөрәтем Да нуным моткочак аклем.

Вет нуно мыланем полшат Да сайым вел эре шонат.

Ачам-авамым йөрәтем.

Мый нунын верч тургыжланем.

Мый сайын

тунемаш тыршем.

Мый нунын гай лияш шонем.

Тау, авай, шочыктенат.

Тау, ачай, туныктенат.

Те улыда пример мылам.

Тунем лектам –

мөнгем толам.

Лиана КУДРЯШОВА.

Национальный президент школ-интернат.



Пеледыш тылзын 15 кечынже Кугу Шия ялыште марий калыкын ик эн йӱратыме Семык пайремже эртаралтын. Тиде пайремыш шошо ага пашам пытарымеке погынат. Семык

Кугече деч шым арня эртымеке тӱналеш да Лышташ пайрем кечын пыта.

Пайремыш пеш шуко уна толын. Ме, марий ӱдыр-влак, нуным команмелна да пура дене вашлийынна. Пайремын тистыжым нӱлталынна да гимным муренна. Мастар ен-влак кидпашаштым ончыктеныт. Тӱрлӱ модыш, тагасымаш-влак лийыныт.

Семык деч икмыняр кече ончыч юалге игече шоген. Пайрем кечын чевер кече ырыктен, пуйто Мланде Ава лӱмынак шокшо иге-

Семык – кенез тӱналтыш



чим колтен. Арамлан огыл марий калык «Семык деч вара кенез тӱналеш» манеш.

Наташа СИДОРОВА.

Татарстан, Мамадыш, Кугу Шия.

Мужыран шовыч

Огай лӱман вуйвидыш. Мом тудо ончыкта? Медведево район Ежово школышто тунемше Анна Ямбаршева (**снимкыште**) туныктышыжо Людмила Петровна Зиминан полшымыж дене тиде йодышлан вашмутым кычалын, шымлыме пашам эртарен.

Ожно «Ӱдырӱыш» пайремыш марлан каяш кушкын шушо ӱдыр-влак ик суртеш погыненыт. Тудым Шорыкйол але Угинде пайрем радамыште эртареныт. Ӱдыр-влак пурам шолтеныт, мурен-мурен, кугуен, родо-тукым, каче-влакым йӱктеныт. Нунышт тауштыме семын ӱдыр-енлан ший оксам кучыктеныт. Тылец посна ӱдыр-влак мыняр солыкым, тувырым урген, тӱрлен ямдылымыштым ончыктеныт – тыге ӱдыр-енын марлан каяш ямде улмыжым тергеныт. Мурен, куштен моштымо мастарлыкымат ончыкташ кӱлын. Пайрем годым ӱдырвучым пуалтеныт: ты ялыште марлан каяш кушкын шушо ӱдыр-шамыч улмо нерген каче-влаклан шижтареныт.

– Тукым гыч тукумыш куснышо мужыран шовыч мемнан еш реликвийлан шотлалтеш, – ойла Анна. – Тудым 87 ияш кугезе ковам Ольга Фёдоровна Шубина

авамлан шергакан пӱлек семын кучыктен. Кугезе ковам Виче кундем Пижан район Тараканово ялыште ила. Тиде шовычым кугезе ковам шке тӱрлен. Ковамын ойлымыж почеш, вуеш шушо ӱдыр-влак тыгай шовычым «Ӱдырӱыш» пайремыш пидыныт. Пуйто тудо мужыр пелашым вашлийыш полша, шоненыт.

Кызыт Анна кидпашалан шӱмангын: тӱрлаш тунемеш. Марий тамга-влакын мом ончыктымаштым шымлен, кажне шӱртӱ пырчым радамын пышта.

Л.ГРИГОРЬЕВА.

Авторын фотожо.

Палаш огай XIX курым

марте кеч шылан, кеч колан, кеч пакчасаскан шӱрым «уха» маныныт. Варажым кол шӱрым гына тыге лӱмдаш тӱнгалыныт. Кажне кундемыште кол шӱрым ямдылыме шот тӱрлӱ лийын: мутлан, кечывалвелне тыгай шӱрыш помидорым пыштеныт, а йӱдвелне – шӱрым.

В.СМИРНОВ ямдылен.

Москошто марий ӱдыр

Ныл ияш Вероника Якимова (**снимкыште**) «Этно украшает» конкурсшто сенгышыш лектын. Мотор марий тувыржо калыкым савырен. Ӱдыр Удмуртийысе Каракулин район Ныргында ялыште шочын.

Ача-аваже марий улыт. Вероника изинек кок йылым пален кушшо манын, марлат, рушлат кутырат.

Кызыт Моско олаште илат.

Коваже «Кечыйол» мурым мураш туныктен.

Йочасадыште йоча-влаклан марий мурым мура.



Х.АЛЕКСАНДРОВА.



«Ямде лий» 2019 ий 6 июль

Аныклена!

**1 кило-
ватт электроэнергийым
аныклымаш мом пуа?
Пылесос 1,5 шагат пашам
ыштен кертеш,
микроволновкышто 13
порций кочкышым ырык-
таш лиеш.**



Йоратыме пеледыш

Кажне ўдырын йоратыме пеледышыже уло. Мыланем роза ден висвис келшат. Розан пушыжо тамле. Висвис – тыглай, проста пеледыш. Тудо порылыкын, ўшанле улмын, йоратымашын символжо.

Даша ОРЕХОВА.

Оршанке, Кугунур.

Теат, йоча-влак, йоратыме пеледышда нерген мыланна возен колтыза.



Сылне кенеж пагыт годым йочасадыш коштшо ньога-влак-лан уремыште модаш пеш келша **(снимкыште)**. Түрлө эстафетым, викториным, мод-машым эртарена. Тыге йоча-влакын тазалыкыштым пентгыдемдена.

И.Н.СЕМЕНОВА.

**Медведево,
Новый.**




Физкультминутко

Кече

шыргыжеш

Окнашкеш шуялтыш кече
Шке йолважым, шыратен.
Эр годсек – январь игече,
Чонем пешак йывыртен.
Икыт, кокыт – йыр пörдам.
Кумыт, нылыт – лап шинчам.
Кече деч адак йодам
Мыйым шыргыжал ончаш.
Визыт, кудыт – шогалам,
Шотлаш угыч тўналам.
Икыт, кокыт –



йыр пörдам,
Кумыт, нылыт – лап шинчам,
Визыт, кудыт, шым, кандаш,
Физзарядке – сай йолташ.

**Н.Д.ИЛЬИНА, туныктышо.
Волжский, Карай.**

**6 июль –
Шупшалалтме кече.**



Сүретым чиялате.

Индекс: Марий Элыште,
Пошкырт ден Татарстан
кундемлаште - П4696.
Тираж 1150 экз. Заказ
Формат – А-4-8.
Директор-тўг редактор олмеш
Л.Н.ГРИГОРЬЕВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.pro,
Тел. 8(8362) 45-22-82(факс)

УЧРЕДИТЕЛЬ-ВЛАК: Марий
Эл Республикысе культур, печ-
ать да калык-влакын пашашт
шотышто министерстве, «Ямде
лий» газет» кугужаныш уни-
тарный казна предприятий.

Газетым редакцийште погы-
мо да верстатлыме, «Марий Эл Республикысе Правительствын типо-
графийже» ООО-што ямде оригинал-макет гыч савыктыме. Типо-
графийын адресше: 424000, Йошкар-Ола, Комсомольский урем, 112.

Газетым Массовый коммуникаций
сферыште да культур наследийым
аралымаште законодательством шук-
тен шогым эскерше Федеральный
службын Приволжский федеральный
округысо управленийыштыже регист-
рироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап – 14-00,
фактически – 13-00

Авторын да редакцийын шоныма-
шышт түрлө лийын кертыт. Се-
рыш-влак мөнгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР
Вооружённый Вийын
70-ше идалыкше урем, 20 (почтовый)
Эгерўмбал Амстердам, 1
(фактический).

КОНКУРС!

«Шем очки»



Мирослава БАЙГУЗИНА.
Пошкырт, Нуриман,
Кугу Шеде.



Миша КИРИЛЛОВ.
Морко, Изн Кушна.




Настя СОЛОВЬЕВА.
У Торъял, Токтарсола.



Синк-вейн

Марий йылме
Улан, куштылго.
Туныкта, полша, умылтара.
Йылме – калыкын поянлыкше,
Ава.

Татьяна ТИМОФЕЕВА.
Морко, Шүргыял.




Стрелке почеш сүретле. Мо лектеш?

Тушто

Түжем изак-шоляк
кечылан куанат –
Вуйым савен вашлийыт, вуйым савен ужатат.

Мый йырангыште шочам, кече дечын вожылам:
Чевергем да йошкаргем,
куш пураш гын, ой, чонем.

Вүдыштö иеш – кол огыл,
Мландыште тörштылеш – меран огыл.



Марлашке кусарыза.

- 1.Красный. 2.Цвет.
- 3.Серый. 4.Чёрный.
- 5.Жёлтый.

Андрей РЕПИН.
Советский, Öрша.

Интернетесе сүрет-влакым кучылтмо.



10 ойыртемем му.



Лудигылан аваж дек миен шуаш
полшо.